



### LENTŠU GO TŠWA GO MOHLANKEDI MOGOLO



Re a go amogela go Lengwalo la rena la mathomo la Ditaba la Maloko la 2023!

Ditsebi tša go rola modiro gantši di šišinya gore o boloke tšelete e ntši ka mo go kgonegago mo mengwageng ya gago ya mošomo gore o kgone go ipeakanyetša go rola modiro ka boiketlo. Eupša ka tikologo ye, ye boima kudu ya ekonomi ya Afrika Borwa (le go tingwa kgafetša kgafetša ga mabone go tlaletša kgatelelo!), re a tseba gore go boloka tšelete bakeng sa mengwaga ya gago ya go rola modiro go boima kudu. O ka itebogiša kgwedi ye nngwe le ye nngwe yeo go yona o bolokago, ka tsebo ya gore o tšere kgato ya go ya bokamosong bjo bokaone.

Re sa le gona moo, o ka no ba o ipotšiša ge e ba go beeletša nako e telele, go no swana le go polokelo ya gago ya go rola modiro, go ka ba mo go holago re ra le gona mo ekonoming yeo e lego boima kudu. Ditaba tše botse ke gore go beeletša nako ye telele, go go fa sebaka se se kaone kudu sa go holega go tšwa go kgolo ya mmaraka ka kakaretšo. Re go hlohletša go dula o ikgafile dinepong tša gago tša go boloka tšelete ya go rola modiro, go sa lebelelwe ditlholho tša ekonomi. O ka no hwetša o lekega gore o ntšhe tšelete yeo o e bolokilego pele ga ge o ka rola modiro, eupša le gona go ntšha tšelete e nnyane go ka ama kudu boemo bjo botse bja gago ge go tla mo ditšheleteng mo nakong e telele, gomme se sa tla le ditlamorago tše di lego godimo kudu tša motšhelo. Ka go le lengwe, se sengwe le sengwe se se nnyane seo o se beeletšago le hono – le go tšwela pele go se beeletša – se go batametša kgawusi le go rola modiro ka boiketlo išago.

#### Mo kgatišong ye, re fana ka tshedimošo yeo e latelago:

- Dikgetho tša go laola dipolokelo tša gago tša go rola modiro ge go ka diragala gore o lahlegelwe ke mošomo goba wa itokolla mošomong;
- Tshedimošo ka ga ditlamorago tša motšhelo ge o tlogela SuperFund;
- Ditemogo tša dikleimi tša e sa le pele ga nako mo go Kholego ya Lehu; le
- Kgopotšo ka tirelo ya rena ya WhatsApp ya 24/7 ya go lekola boleng bja gago bja dipolokelo tša go rola modiro.

SuperFund is committed to supporting you at every stage of your retirement journey, from saving for it while working to making good at-retirement choices.

#### Ipsihine ka go bala gomme o dule o bolokegile.

Fiona Reynolds  
Mohlankedi Mogolo: Old Mutual SuperFund

## GO DIRAGALA ENG KA TŠHELETE YEO KE E BOLOKAGO GE KE ROLA MODIRO MO GO SUPERFUND GE NKA ITOKOLLA, KA FOKOTŠWA MOŠOMONG GOBA KA RAKWA MOŠOMONG KE MONGMOŠOMO WA KA?

#### O na le dikgetho tše mmalwa:

- Kgetho ya 1:** Dula o le Leloko la SuperFund: Boloka tšelete ya gago ya go rola modiro mo go SuperFund Preserver.
- Kgetho ya 2:** Fetišetša dipolokelo tša tšelete ka moka tša ge o rola modiro letlolang le lengwe, go swana le Letlole la go Rola Modiro la (RA), Sekhwama sa Pabalelo, goba Letlole la Mongmošomo wa gago o moswa.
- Kgetho ya 3:** Ntšha karolo nngwe goba dipolokelo tšohle tša tšelete ya go rola modiro e le kheše (gomme o fetišetše mašaleli, afe goba afe, go letlole le lengwe la go rola modiro).

\* Tšelete efe goba efe yeo o e ntšhago e ka lefišwa motšhelo. SuperFund e šišinya gore o beeletše dipolokelo tša tšelete ya ge o rola modiro go na le gore o e tšee bjalo ka kheše moo go kgonegago. Go ntšha tšelete go ka ama kudu dibaka tša gago tša go ipshina ka go rola modiro ka boiketlo ka letšatši le lengwe.

Bakeng sa tlhahlo ya mphiwafeela ka ga dikgetho tše o nago le tšona go go thuša go tšea sephetho, bolela le [Moeletši wa Dikholego tša go Rola Modiro wa SuperFund](#) (RBC) mo nomorong ye 021 503 0069.

#### Ke motšhelo ofe wo ke tlilego go o lefelela ge ke ntšha dipolokelo tša ka go tšwa go SuperFund?

Motšhelo wo o o lefelago o ya ka lebaka la gago la go tlogela Mongmošomo wa gago:

#### Lebaka la go tlogela modiro

O itokollotše goba o rakilwe mošomong		O rotše modiro, o fokoditšwe mošomong goba o hlokoletše	
Hlwahlwa ya dikholego	Kelo ya Motšhelo	Hlwahlwa ya dikholego	Kelo ya Motšhelo
R0 - R27 500	0%	R0 - R550 000	0%
R27 501 - R726 000	18% tša letseno leo le lefellowago motšhelo la ka godimo ga R27 500	R550 001 - R770 000	18% tša letseno leo le lefellowago motšhelo la ka godimo ga R550 000
R726 001 - R1 089 000	R125 730 + 27% tša letseno leo le lefellowago motšhelo la ka godimo ga R726 000	R770 001 - R1 155 000	R39 600 + 27% tša letseno leo le lefellowago motšhelo la ka godimo ga R770 000
R1 089 000 le go feta	R223 740 + 36% tša letseno leo le lefellowago motšhelo la ka godimo ga R1 089 000	R1 155 001 le go feta	R143 550 + 36% tša letseno leo le lefellowago motšhelo la ka godimo ga R1 155 000

N.B. Ka kgopelo lemoga. O ka ipshina ka go ntšha R27 500 ya mathomo ntle le motšhelo gatee fela bophelong bja gago. Nakong e tlogo ge o ntšha tšelete, o tla lefišwa motšhelo ka mo go feletšego.



Tšelete e nngwe le e nngwe yeo e ntšhwago sekhwameng sa gago sa go rola modiro e a oketšega, ka go rialo motšhelo wo o o lefago nako le nako mohlomongwe o ka nna wa oketšega. Mo godimo ga moo, go ntšha tšelete go go dirwago bjale le gona go tla fokotša palomoka ya tšelete yeo o sa lefago motšhelo go yona ge o rola modiro.

## NAA O BE O TSEBA KA DIKLEIME TŠA PELE GA NAKO TŠEO DI LEFELELWAGO MO GO KHOLEGO YA LEHU?

Ge Leloko la SuperFund le hlokoletša, bao ba ithekgilego ka lona le/goba baholegi bao ba kgethilwego ba ka amogela palomoka ya tšelete yeo e bitšwago 'Kholego ya Lehu' yeo e maikemišetšo a yona e lego go fana ka thekgo ya ditšhelete. Boto ya Taolo ya SuperFund (Bahlokomedi) e lebelela kabo ya dikholego tša lehu. Tshepetšo e ka tšea dikgwedi tše 12 go tloga ka letšatšikgwedi la lehu la Leloko. Se ke ka lebaka la gore molao o nyaka magato a mantši ao a swanetšego go latelwa, gomme o fana ka nako ya gore bao ba ka bago ba ithekgile ka leloko bao ba sa tsebje go bona ba iponagatše.

SuperFund e ka nna ya, mo maemong a itšego, dumelela ditšhelete tša pele ga nako tša dikholego go thuša go fokotša mathata a ditšhelete go bao o ithekgilego ka wena ka ditšhelete.

Ge go ka direga gore o hlokoletša, Mongmošomo wa gago o tla tsebiša bao ba ithekgilego ka wena ka tša ditšhelete ka ga kgetho ye.

Ditšhelete tša pele ga nako tša kholego di ka nna tša abelwa:


- Mogatša goba molekani wa gago wa go ya go ile, bakeng sa gagwe, goba legatong la ngwana/bana wa gagwe yo monyenane le Leloko.
- Motswadi, mohlokomedi goba mohlokomedi wa ngwana/bana ba Leloko.
- Bahlokomelwa ba bangwe bao ba bego ba hlokomelwa ka ditšhelete ke mohu gomme go na le kgonagalo ya gore ba tšile go fiwa karolo nngwe ya dikholego tša lehu.

## SUPERFUND MO GO TITŠITHALE

Naa o be o tseba? SuperFund e fana ka kgetho ya go itirela ka bowena ye bonolo gape yeo e bolokegilego ka WhatsApp le Ditirelo tše di šireleditšwego. O ka latedišiša bontši bjo o nago le bjona bja dipolokelo tša gago tša tšelete ya go rola modiro 24/7 o diriša dipolateroformo tše.

**Kgotla mo** bakeng sa tlhahlo ya ka moo o ka ingwaditšwego Ditirelo tše di šireleditšwego.

Sekena khoutu ya QR. Boloka 0860 933 333 fao o bolokilego bao o ikgokanyago le bona. Tlanya "Retire" mo go WhatsApp gomme o tsene ka gare. Kgetha tiro yeo o hlokoletšo go e dira.



Dumela Dane. Boemo bja kleime ya gago: Kgato 2/5 - Old Mutual e thomile ka tšhepetšo ya PROVIDENT FUND ya kleime ya gago ya go ntšha tšelete. Kgato yeo e latelago ke go lokolla peeletšo ya kholego ya gago. Se se ka tšea matšatši a kgwebo a 3 - 7. Re tla go botša ge kgato ye, yeo e latelago e šetše e phethagaditšwe. Tšhupetši ya gago ke: 12345678/R004510D

**Latedišiša bontši bjo o nago le bjona bja dipolokelo tša gago tša tšelete ya go rola modiro**

**Fihlelela ditatame tša gago**

**Šetša tšwelopele mo go dikleime tša gago tša polokelo ya go romela rola modiro**

**Fihlelela diteng diteng tša thuto tša Leloko**

le tše dingwe tše dintši

Re diriša nomoro ya sellathekeng le nomoro ya ID tšeo re nago le tšona mo rekhotong. Go netefatša gore re na le dintlha tša gago tše nepagetšego, re leletše mogala mo nomorong ye 0860 20 30 40 goba emeilela go [superfund@oldmutual.com](mailto:superfund@oldmutual.com).

SuperFund gape e na le tirelo ya temošo ya SMS yeo e fago Maloko diphetogo malebana le go ntšhwa ka botlalo ga tšelete ya ona goba boemo bja kleime ya ona ya go rola modiro. Re nyaka gore o tsebe ka botlalo seo se diragalago ge o dutše o letile.

## NAA TSHEDIMOŠO YA GAGO E FELELETŠE?

Tshedimošo ya gago ya kgokagano e bohlokwa gore re go fihlelele ka tshedimošo ya bohlokwa yeo e go amago le dipolokelo tša gago tša ge o rola modiro.

- 01** O ka mpshafatša tshedimošo ya gago ka Mongmošomo wa gago.
- 02** Goba ge o nyaka, ikgokaganye le Senthara ya rena ya Tirelo ya Bareki mo nomorong ye 0860 20 30 40. Baemedi ba rena ba SuperFund bao ba nago le maitemogelo ba tla go thuša ka lethabo ka go mpshafatša dintlha tša gago.

SuperFund e tšhepiša go šireletša tshedimošo ya gago ya kgokagano le go e diriša ka mabaka ao a lebanego thwii fela le dipolokelo tša gago. Re ka se tsoge re rekišitše tshedimošo ya gago, gomme o ka letela go ba pepeneneng ka botlalo go tšwa go rena.

## NAA O FETILWE KE DIPOLEDIŠANO DIFE GOBA DIFE TŠA RENA TŠA MORAGORAGO? DI BALE KA POLELO EFE GOBA EFE YEO O E KGETHAGO KA MO TLASE.

- S13A – Naa Dikabelo tša Gago tša go Rola Mošomo di Lefelwa ka Nako?: ..... [English](#) | [IsiXhosa](#) | [IsiZulu](#) | [Sesotho](#) | [Sepedi](#) | [Afrikaans](#)
- Dikholego tša Gago tša Lehu di a Hlaloswa: ..... [English](#) | [IsiXhosa](#) | [IsiZulu](#) | [Sesotho](#) | [Sepedi](#) | [Afrikaans](#)
- Pitša Pedi Bol. 1: ..... [English](#) | [IsiXhosa](#) | [IsiZulu](#) | [Sesotho](#) | [Sepedi](#) | [Afrikaans](#)

Bakeng sa khopi ya Kakaretšo ya Phetošo ya Molao ya Old Mutual SuperFund ya mengwaga yeo e felago ka la 30 June 2020, 2021, le 2022, kgotla dikonopi tše lego ka mo tlase.

[2020](#) | [2021](#) | [2022](#)

O ka kgona go lebelela porofaele ya gago le go fihlelela ditirelo tše dingwe o diriša ye nngwe ya ditharollo tša setitšithale tša rena

Secure Services    WhatsApp 0860 933 333    0860 20 30 40    [superfund@oldmutual.com](mailto:superfund@oldmutual.com)

Old Mutual App    GET IT ON Google Play    Download on the App Store    EXPLORE IT ON AppGallery